



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

IV. De iniuria & contumelia, quod absit, presbyterorum.

urn:nbn:de:hbz:466:1-15967

IV.

Si quis presbyter, (quod absit, quia sacerdos altissimi Dei est,) vulneratus, vel quibuslibet iniuriis & contumeliis de honestatus, euaserit & superuixerit, tota compositio persoluatur presbytero. Si autem articulo mortis præuentus obierit, precium vveregeldi tripartita partiatur diuisione, id est, altari cui ordinatus fuerat, pars vna: episcopo, in cuius dicecesi erat, altera: tertia parentibus, de quibus ortus fuerat. Si vero in atrio ecclesiæ aliquid ex ipsis presbytero factum fuerit, supradicto modo presbytero & pro presbytero soluatur. Sed quia, ut Hilarus papa omnibus episcopis per diuersas prouincias in epistola sua scribit, iniuria sacerdotum & ecclesiarum, sacrilegium est, sacrilegium in atrio factum, altari & domino eiusdem loci persoluatur. Sacerdotes enim non sunt lacerandi, sed potius coronandi: quia de his Ecclesiasticus liber loquitur, dicens: *In tota anima tua time Dominum, & sacerdotes illius sanctifica, & ministros eius non derelinquas, & honorifica sacerdotem.* Et Isidorus: His enim, sicut & episcopis, dispensatio mysteriorum Dei commissa est. præsunt enim ecclesiæ Christi, & in consecratione diuini corporis & sanguinis confortes sunt episcopis: similiter & in doctrina populorum, & in officio prædicandi.

V.

Si quis sacerdotem, non coactus, sed propria voluntate seductus, morti tradiderit, secundum sententiam apostolicorum & nostrorum moderni

LIII iij